

বঙ্গবন্ধু শেখ মুজিব মেডিক্যাল বিশ্ববিদ্যালয়ের অটোমেশন কার্যক্রম ও আধুনিক অর্থ, হিসাব ও অডিট দপ্তরের শুভ উদ্বোধন

আজ রবিবার ২৬ নভেম্বর ২০১৭ইং তারিখ, সকাল ৯টায় বঙ্গবন্ধু শেখ মুজিব মেডিক্যাল বিশ্ববিদ্যালয়ের এ ব্লক অডিটোরিয়ামে কোষাধ্যক্ষ অফিস ও অর্থ ও হিসাব, অডিট দপ্তরের উদ্যোগে বিশ্ববিদ্যালয়ের অটোমেশন কার্যক্রম ও আধুনিক অর্থ ও হিসাব, অডিট দপ্তরের শুভ উদ্বোধনী অনুষ্ঠানের

আয়োজন করা হয়। অনুষ্ঠানে প্রধান অতিথি হিসেবে উপস্থিত ছিলেন বঙ্গবন্ধু শেখ মুজিব মেডিক্যাল বিশ্ববিদ্যালয়ের মাননীয় উপাচার্য অধ্যাপক ডা. কামরুল হাসান খান। সম্মানিত কোষাধ্যক্ষ অধ্যাপক ডা. মোহাম্মদ আলী আসগর মোড়লের সভাপতিত্বে অনুষ্ঠানে বিশেষ অতিথি হিসেবে উপস্থিত ছিলেন বঙ্গবন্ধু শেখ মুজিব মেডিক্যাল বিশ্ববিদ্যালয়ের



সম্মানিত উপ-উপাচার্য (গবেষণা ও উন্নয়ন) অধ্যাপক ডা. মোঃ শহীদুল্লাহ সিকদার, উপ-উপাচার্য (প্রশাসন) অধ্যাপক ডা. মোঃ শারফুদ্দিন আহমেদ, উপ-উপাচার্য (শিক্ষা) অধ্যাপক ডা. এ এস এম জাকারিয়া স্বপন। সম্মানিত রেজিস্ট্রার অধ্যাপক ডা. এবিএম আব্দুল হান্নানের সঞ্চালনায় আরো বক্তব্য রাখেন এ বিশ্ববিদ্যালয়ের প্রক্টর অধ্যাপক ডা. মোঃ হাবিবুর রহমান দুলাল, পরিচালক (অর্থ, হিসাব ও অডিট) জনাব মোঃ আবদুস সোবহান, পরিচালক (হাসপাতাল) ব্রিগেডিয়ার জেনারেল মোঃ আব্দুল্লাহ আল হারুন প্রমুখ।

প্রধান অতিথির বক্তব্যে বঙ্গবন্ধু শেখ মুজিব মেডিক্যাল বিশ্ববিদ্যালয়ের মাননীয় উপাচার্য অধ্যাপক ডা. কামরুল হাসান খান বলেন, সবাইকে ডিজিটাল কার্যক্রমের আওতায় অবশ্যই আসতে হবে। বর্তমান বিশ্ব ডিজিটলাইজড বিশ্ব। বর্তমান সরকারের মাননীয় প্রধানমন্ত্রী, বঙ্গবন্ধু কন্যা শেখ হাসিনা ডিজিটাল বাংলাদেশ গড়ার উপর গুরুত্বারোপ করেছেন। ডিজিটাল কার্যক্রমের অংশ হিসেবে বঙ্গবন্ধু শেখ মুজিব মেডিক্যাল বিশ্ববিদ্যালয়ের অর্থ ও হিসাব, অডিট অফিসে অটোমেশন কার্যক্রম চালু করা হলো। পর্যায়ক্রমে এ বিশ্ববিদ্যালয়ের সকল বিভাগ ও অফিসসমূহকে অটোমেশন কার্যক্রমের আওতায় আনা হবে।

বিশেষ অতিথির বক্তব্যে সম্মানিত উপ-উপাচার্য (গবেষণা ও উন্নয়ন) অধ্যাপক ডা. মোঃ শহীদুল্লাহ সিকদার বলেন, মাননীয় প্রধানমন্ত্রী শেখ হাসিনার সুযোগ্য পুত্র, মাননীয় তথ্য ও যোগাযোগ বিষয়ক উপদেষ্টা, বিশিষ্ট প্রযুক্তিবিদ জনাব সজীব ওয়াজেদ জয় বাংলাদেশের শিক্ষা, চিকিৎসা, যোগাযোগসহ বিভিন্ন খাতসহ ডিজিটাল বাংলাদেশ গড়ার ক্ষেত্রে নিরলসভাবে কাজ করে যাচ্ছেন- যা আন্তর্জাতিকভাবেও সমাদৃত হয়েছে। বঙ্গবন্ধু শেখ মুজিব মেডিক্যাল বিশ্ববিদ্যালয়ে অটোমেশন কার্যক্রম চালু হওয়াটাও বর্তমান সরকারেরই গুরুত্বপূর্ণ অবদান।

বিশেষ অতিথির বক্তব্যে সম্মানিত উপ-উপাচার্য (প্রশাসন) অধ্যাপক ডা. মোঃ শারফুদ্দিন আহমেদ বলেন, বাংলাদেশ এগিয়ে যাচ্ছে। বঙ্গবন্ধু শেখ মুজিব মেডিক্যাল বিশ্ববিদ্যালয়ও এক্ষেত্রে পিছিয়ে নেই। অটোমেশন কার্যক্রম চালু হওয়ায় স্বচ্ছতা ও জবাবদিহিতা আরো জোরদার হওয়ার পাশাপাশি সুদক্ষভাবে সততার সাথে বিভিন্ন কার্যক্রম পরিচালনা করা সহজ হবে।

সভাপতির বক্তব্যে সম্মানিত কোষাধ্যক্ষ অধ্যাপক ডা. মোহাম্মদ আলী আসগর মোড়ল বলেন, অটোমেশন ও রেনোভেশনের মাধ্যমে অর্থ ও হিসাব, অডিট বিভাগ অত্যাধুনিক করা হলো। এর মাধ্যমে আর্থিক ব্যবস্থাপনায় আরো বেশি করে সততা, স্বচ্ছতা ও জবাবদিহিতা নিশ্চিত হবে। শুরুতে অর্থ ও হিসাব বিভাগের হাজিরা কার্যক্রম ডিজিটাল প্রক্রিয়ায় আনা হলো এবং পর্যায়ক্রমে সব অফিসকে এ প্রক্রিয়ার আওতায় নিয়ে আসা হবে।

পরিচালক (অর্থ, হিসাব ও অডিট) জনাব মোঃ আবদুস সোবহান বলেন, অর্থ ও হিসাব, অডিট দপ্তরের সকল কর্মকর্তা-কর্মচারীদের অফিসে নির্ধারিত সময়ে উপস্থিতি নিশ্চিতকরণের জন্য টাইম এ্যাটেনডেন্স চালু করা হয়েছে। পেনশন গ্রহনকারীদের জন্য পেনশন সহজীকরণ ফরম চালু করা হয়েছে। সকল শিক্ষক, চিকিৎসক, নার্স, কর্মকর্তা-কর্মচারীর ভবিষ্যৎ তহবিলের বাৎসরিক বিবরণী, বেতন বিবরণী, আয়কর সনদ স্ব-স্ব বিভাগে পৌঁছে দেয়ার ব্যবস্থা করা হয়েছে। স্থানাভাব দূরীকরণের জন্য ওয়ার্ক স্টেশন স্থাপন করায় অর্থ ও হিসাব, অডিট দপ্তরের কাজের স্বচ্ছতা এবং গতিশীলতা জোরদার হয়েছে।